

松蔭通義

一六

C40
4514
(11)

C40-4514

了翁上座請大猷及有
家書置武州紫雲山
我微笑於院庖廚中未
為學方不敢許出院內
當山二世鐵十機謹誌



B 64853


妙法蓮華經通義卷第六

姚秦三藏法師鳩摩羅什奉 詔譯

明南嶽沙門憨山釋德清述

妙法蓮華經隨喜功德品第十八

此品來意由前分別持經功德但聞壽量一
品已為殊勝然猶未盡隨喜全經之益今以
一念隨喜之功較之超過八千季中廣以七
寶次生布施四百萬億阿僧祇世界六趣衆
生又令各得四果之福者以極顯此法殊勝



法華通串 卷之六
之益以堅二乘願樂之心故此品來也

爾時彌勒菩薩摩訶薩白佛言世尊若有善男子善女人聞是法華經隨喜者得幾所福而說偈言

世尊滅度後其有聞是經若能隨喜者爲得幾所福

此彌勒因聞持壽量功德業已如佛殊勝極矣但不知偶爾暫時隨喜功德當何如耶故
此請問

爾時佛告彌勒菩薩摩訶薩阿逸多如來滅後若比丘比丘尼優婆塞優婆夷及餘智者若長若幼聞是經隨喜已從法會出至於餘處若在僧坊若空閒地若城邑巷陌聚落田里如其所聞爲父母宗親善友知識隨力演說是諸人等聞已隨喜復行轉教餘人聞已亦隨喜轉教如是展轉至第五十阿逸多其第五十善男子善女人隨喜功德我今說之汝當善聽

此約轉教之最後將以較法會之初聞者功

法華通義 卷六
德之勝也。四衆人等無論長幼皆法會之親聞者。從法會出至於餘處。若在僧坊等言不擇其處。猶街談里說不爲法會也。父母宗親不拘其人皆非法會之聽衆也。是皆率略非嚴整之儀也。隨力演說則未必盡達全經之旨也。是諸人等聞說但隨順歡喜而已。非精持也。復行轉教至第五十人則與法會漸疎且遠矣。今將顯最初法會聽聞之功德。姑以第五十人之功德較之則可知已。此以疎較

親極顯初聽之勝益也。華嚴五十聖位重初發心功德無比。此第五十人乃聞名字而初發心者耶。

若四百萬億阿僧祇世界六趣四生衆生卵生胎生濕生化生。若有形無形有想無想非有想非無想無足二足四足多足如是等在衆生數者。有人求福隨其所欲娛樂之具皆給與之一。衆生與滿閻浮提金銀琉璃磚磔瑪瑙珊瑚琥珀諸妙珍寶。及象馬車乘七寶所成宮殿樓

法華通義 卷六
閣等

此以廣大財施較隨喜之福也。四百萬億阿僧祇世界則世界之廣大且多矣。六趣四生以及十類衆生則盡衆生之數不可量矣。盡衆生之所求隨所欲之樂具一一與之則心無遮限矣。與滿閻浮提之金銀七寶乃至樓閣等則財施之廣大無邊矣。此極言財施之大也。

是大施主如是布施滿八十年已而作是念我

已施衆生娛樂之具隨意所欲然此衆生皆已衰老季過八十髮白面皺將死不久我當以佛法而訓導之卽集此衆生宣布法化示教利喜一時皆得須陀洹道斯陀含道阿那含道阿羅漢道盡諸有漏於深禪定皆得自在具八解脫此以法施較隨喜之功德也。然以廣大財施滿八十季則將盡形壽時之久也。又愍衆生衰老思以法度之乃爲說法令廣多之衆生皆證四果得出生死之苦。超深禪定之樂。此

法華通義 卷之六
則法施無窮也

於汝意云何是大施主所得功德寧爲多不彌勒白佛言世尊是人功德甚多無量無邊若是施主但施衆生一切樂具功德無量何況令得阿羅漢果

此世尊徵明財法二施之功德將較隨喜之功德也

佛告彌勒我今分明語汝是人以一切樂具施於四百萬億阿僧祇世界六趣衆生又令得阿

羅漢果所得功德不如是第五十人聞法華經一偈隨喜功德百分千分百千萬億分不及其一乃至算數譬喻所不能知

此以財法二施較第五十人之功德也。外財有漏。小果權乘故難比佛性種子。故隨喜一偈之功超勝廣大二施之福

阿逸多如是第五十人展轉聞法華經隨喜功德尚無量無邊阿僧祇何況最初於會中聞而隨喜者其福復勝無量無邊阿僧祇不可得比

此以疎較親故不可比。蓋後聞者如初發心。初聞法者如地上菩薩之象。以親從法會聽聞妙法直入佛慧。所以功德不可思議。比量耳。

又阿逸多若人爲是經故往詣僧坊若坐若立。須臾聽受緣是功德轉身所生得好上妙象馬車乘珍寶輦輿及乘天宮。

此明隨喜生報之勝也。前聞壽量則報與佛無異。故經行坐臥卽是佛受用。今隨喜之益。

轉身生報得好象馬車乘及天宮殿。以所隨喜者是一乘妙法。故感報如之。

若復有人於講法處坐。更有人來勸令坐聽。若分座令坐。是人功德轉身得帝釋坐處。若梵王坐處。若轉輪聖王所坐之處。

此言分座令聽之報也。以聞此經法空爲座。今暫分座。故感報天帝輪王之座。以一念讓心與法空等故。

阿逸多若復有人語餘人言。有經名法華。可共

往聽卽受其教乃至須臾聞是人功德轉身
得與陀羅尼菩薩共生一處

此言勸聽之報也。所勸之人卽須臾聞而勸
者感報功德轉身得與陀羅尼菩薩共生一
處。以此妙法一心爲法界總相大法門體。故
勸人覲聞則心同法界。故得總持之菩薩共
生也。

利根智慧百千萬世終不瘡瘻口氣不臭舌常
無病口亦無病齒不垢黑不黃不疎亦不缺落

不差不曲唇不下垂亦不蹇縮不麤澀不瘡瘻
亦不缺壞亦不尚斜不厚不大亦不驚黑無諸
可惡鼻不匾匾亦不曲戾面色不黑亦不狹長
亦不窳曲無有一切不可喜相唇舌牙齒悉皆
嚴好鼻修高直面貌圓滿眉高而長額廣平正
人相具足世所生見佛聞法信受教誨

此言勸者六根之報也。利根智慧意根也。不
瘡瘻等舌根也。有音無字曰瘡。音字俱無曰
瘻。差不齊也。曲歪齒也。蹇縮短唇也。脰唇瘡

也。尚斜歪口也。上皆舌報。鼻不下鼻根也。匾
匾平鼻也。曲戾歪鼻也。面色下身根也。窵曲
陷而曲也。所生見佛眼根也。聞法信受耳根
也。此言勸人聽法感報。六根端正具足之如
此。意將顯持經六根清淨之報也。

阿逸多汝且觀是勸於一人。令往聽法功德如
此。何況一心聽說讀誦而於大眾爲人分別如
說修行。

此以劣顯勝也。且勸一人聽法感報之如此。
況一心聽說精持者乎。此所以六根清淨之
報有在也。

爾時世尊欲重宣此義而說偈言

若人於法會得聞是經典乃至於一偈隨喜爲
他說如是展轉教至於第五十最後人獲福今
當分別之如有大施主供給無量衆具滿八十
歲隨意之所欲見彼衰老相髮白而面皺齒疎
形枯竭念其死不久我今應當教令得於道果
卽爲方便說涅槃真實法世皆不牢固如水沫

法華通義 卷第
泡談汝等咸應當疾生厭離心諸人聞是法皆
得阿羅漢具足六神通三明八解脫最後第五
十聞一偈隨喜是人福勝彼不可爲譬喻如是
展轉聞其福尚無量何況於法會初聞隨喜者
若有勸一人將引聽法華言此經深妙千萬劫
難遇卽受教往聽乃至須臾聞斯人之福報今
當分別說世世無口患齒不疎黃黑唇不厚褰
缺無有可惡相舌不乾黑短鼻高修且直額廣
而平正面目悉端嚴爲人所喜見口氣無臭穢

優鉢華之香常從其口出若故詣僧坊欲聽法
華經須臾聞歡喜今當說其福後生天人中得
妙象馬車珍寶之輦輿及乘天宮殿若於講法
處勸人坐聽經是福因緣得釋梵轉輪座何況
一心聽解說其義趣如說而修行其福不可限
若人於法會四句頌最初一人親聞隨喜如
是展轉下四句頌轉教至第五十約最後人
較其功德如有大施主下四句頌財施見彼
衰老相下十六句頌法施真實法謂小乘涅槃

法華通論 卷六
槃世皆不牢固如水沫泡燄謂無常之法。最後下四句頌較最後之福。如是下四句頌以後較初之福。若有勸一人下二十句頌轉殺之報。若故誑僧坊下八句頌專聞報。若於講法下四句頌分座報。何況一心下四句頌以劣較勝。此較隨喜暨聞之功德業已超勝無比。將顯精持之人必得六根清淨之前象也。妙法蓮華經法師功德品第十九
此品來意由前廣讚持經之大益。今顯持經

之法師。卽得六根清淨者。以顯法華三昧之勝益。現前卽登不退地。以發二乘精進不退之心。故此品來也。前法師品但以法師爲助發之緣。因今此品乃正顯持經之功德。名同義別。以佛性種子要藉緣熏。使慧命不斷。故法師功德最勝。故以功德簡之。

爾時佛告常精進菩薩摩訶薩。若善男子善女人受持是法華經。若讀若誦若解說若書寫。是人當得八百眼功德。千二百耳功德。八百鼻功

德千二百舌功德八百身功德千二百意功德
以是功德莊嚴六根皆令清淨

此言法師功德而告常精進者謂持經之人
必精心純一。永離懈怠。有進無退。方稱法師。
前言六種法師。謂讀誦受持解說書寫供養。
今不言供養。意在持經。不言受持。以讀誦解
說書寫四種皆受持之行。故不舉也。言六根
功德有八百千二百之不等者。楞嚴定六根
優劣文云。世界相涉三世四方。宛轉十二流。

變三疊六根功德各各圓成。有千二百。以力
用不齊。故眼唯八百。以後方全暗。鼻闕中交。
身合中知。以三分言功。一分缺德。故眼鼻身
三各具八百。以彼義選圓根。故約六根各具
力用之不等。今經正顯父母所生常身。以顯
持經即得六根清淨之報。故只就現在肉身
六根而言清淨。不在優劣也。彼言功德乃指
六根之方用。今言功德即持經不出六根。故
一一功德莊嚴六根。皆得清淨。意在持經之

法華通論 卷六
地
功德也。言卽得清淨者。然清淨乃遮空之辭也。以肉質六根皆隔礙而不通。奔染六塵。原非清淨。今言清淨。乃顯持經功德所致故也。故曰。皆得清淨。問曰。經言六根清淨。皆云父母所生。現前肉身。卽能徹見。徹聞三千大千世界者。是事難信。請決所疑。答曰。理固如是。無足怪也。請試言之。然衆生知見本是一真。法界圓明心體。無邊利境。十世古今。靡不洞照。纖毫不遺。與十方佛同體。無二者也。但以

最初一念無明妄動。障蔽妙明。故感結水火風土四大。壅令留礙。故隔越不通。以致見不超色。聞不出聲。此固衆生之知見也。今持經之人。一念頓悟本圓真心。故曰一人發真歸元。十方虛空悉皆消殞。何況空中所有國土。而不振裂。是則塵消覺淨。故十方世界圓明洞照。而言三千猶約量而言之耳。言清淨者。謂六根銷復。乃空之異名。以就現前肉身。故遮之也。且觀音耳根圓通。生滅旣滅。寂滅現

法華通論 卷六
前故能上與十方諸佛同一慈力。下與六道衆生共一悲仰。豈直六根清淨而已乎。首楞嚴云阿那律陀無目而見。跋難陀龍無耳而聽。乃至迦葉圓明了知。不因心念。是皆父母所生肉身也。又曰。不明自發。則諸暗相。永不能昏。根塵既消。云何覺明。不成圓妙。此六根清淨之象也。是則眼見三千世界等無足怪也。

是善男子善女人。父母所生清淨肉眼。見於三千大千世界內外所有山林河海。下至阿鼻地獄。上至有頂。亦見其中一切衆生及業因緣果報生處。悉見悉知。爾時世尊欲重宣此義而說偈言。

若於大衆中以無所畏心。說是法華經。汝聽其功德。是人得八百功德。殊勝眼以是莊嚴。故其目甚清淨。父母所生眼。悉見三千界內外。彌樓山須彌及鐵圍并諸餘山林大海江河水。下至阿鼻地獄。上至有頂處。其中諸衆生一切皆悉見。

雖未得天眼肉眼力如是

此眼根清淨功德也。言肉眼清淨則色塵空而不隔妙體現前。徹見三千大千世界。一切衆生心念頭數皆現心中。三際了然。故果報生處悉知悉見。楞嚴所云行陰若盡則衆生生死業流灣環無不畢見。況圓明洞照乎。須言無所畏心。則直心正念真如法也。以是持經故功德自具。其實圓照法界。今言八百但就肉身言之耳。彌樓此云光明卽七金山之

一也

復次常精進若善男子善女人受持此經若讀若誦若解說若書寫得千二百耳功德以是清淨耳聞三千大千世界下至阿鼻地獄上至有頂其中內外種種語言音聲象聲馬聲牛聲車聲啼哭聲愁歎聲螺聲鼓聲鐘聲鈴聲笑聲語聲男聲女聲童子聲童女聲法聲非法聲苦聲樂聲凡夫聲聖人聲喜聲不喜聲天聲龍聲夜叉聲乾闥婆聲阿脩羅聲迦樓羅聲緊那羅聲

摩睺羅伽聲火聲水聲風聲地獄聲音生聲餓
鬼聲比丘聲比丘尼聲聲聞聲辟支佛聲菩薩
聲佛聲以要言之三千大千世界中一切內外
所有諸聲雖未得天耳以父母所生清淨常耳
皆悉聞知如是分別種種音聲而不壞耳根爾
時世尊欲重宣此義而說偈言

父母所生耳清淨無濁穢以此帝耳聞三千世
界聲象馬車牛聲鐘鈴螺鼓聲琴瑟篪篥聲簫
笛之音聲清淨好歌聲聽之而不著無數種人

聲聞悉能解了又聞諸天聲微妙之歌音爰聞
男女聲童子童女聲山川險谷中迦陵頻伽聲
命命等諸鳥悉聞其音聲地獄衆苦痛種種楚
毒聲餓鬼饑渴逼求索飲食聲諸阿脩羅等居
在大海邊自共言語時出於大音聲如是說法
者安住於此間遙聞是衆聲而不壞耳根十方
世界中禽獸嗚相呼其說法之人於此悉聞之
其諸梵天上充音及徧淨乃至有頂天言語之
音聲法師住於此悉皆得聞之一切比丘衆及

諸比丘尼若讀誦經典若爲他人說法師住於
此悉皆得聞之復有諸菩薩讀誦於經法若爲
他人說撰集解其義如是諸音聲悉皆得聞之
諸佛大聖尊教化衆生者於諸大會中演說微
妙法持此法華者悉皆得聞之三千大千界內
外諸音聲下至阿鼻獄上至有頂天皆聞其音
聲而不壞耳根其耳聰利故悉能分別知持是
法華者雖未得天耳但用所生耳功德已如是
此耳根清淨功德也普賢心聞洞十方今以

持經既悟妙心則十方洞聞了無壅塞也。有
理之言爲法聲無理之言爲非法聲。頌云撰
集解其義然。撰撰集解義是未有聲也。而能聞
之者蓋彼以思而知故我以不思而聞所以
爲心聞也。頌言悉能分別知則不獨徒聞其
聲而已。此乃耳根清淨之妙也。

復次常精進若善男子善女人受持是經若讀
若誦若解說若書寫成就八百鼻功德以是清
淨鼻根聞於三千大千世界上下內外種種諸

法苑珠林卷六
香須曼那華香闍提華香末利華香瞻蔔華香
波羅羅華香赤蓮華香青蓮華香白蓮華香華
樹香果樹香旃檀香沉水香多摩羅跋香多伽
羅香及千萬種和香若末若丸若塗香持是經
者於此間住悉能分別又復別知衆生之香象
香馬香牛羊等香男香女香童子香童女香及
草木叢林香若近若遠所有諸香悉皆得聞分
別不錯持是經者雖住於此亦聞天上諸天之
香波利質多羅拘鞞陀羅樹香及曼陀羅華香

摩訶曼陀羅華香曼殊沙華香摩訶曼殊沙華
香旃檀沉水種種末香諸雜華香如是等天香
和合所出之香無不聞知又聞諸天身香釋提
桓因在勝殿上五欲娛樂嬉戲時香若在妙法
堂上爲忉利諸天說法時香若於諸園遊戲時
香及餘天等男女身香皆悉遙聞如是展轉乃
至梵世上至有頂諸天身香亦皆聞之并聞諸
天所燒之香及聲聞香辟支佛香菩薩香諸佛
身香亦皆遙聞知其所在雖聞此香然於鼻根

法華通釋 卷六
不壞不錯若欲分別爲他人說憶念不謬爾時
世尊欲重宣此義而說偈言

是人鼻清淨於此世界中若香若臭物種種悉
聞知須臾那闍提多摩羅旃檀沉水及桂香種
種華果香及諸衆生香男子女人香說法者遠
住聞香知所在大勢轉輪王小轉輪及子群臣
諸宮人聞香知所在身所著珍寶及地中寶藏
轉輪王寶女聞香知所在諸人嚴身具衣服及
瓔珞種種所塗香聞香知其身諸天若行坐遊

戲及神變持是法華者聞香悉能知諸樹華果
實及酥油香氣持經者住此悉知其所住諸山
深險處旃檀樹華敷衆生在在中者聞香悉能知
鐵圍山大海地中諸衆生持經者聞香悉知其
所在阿脩羅男女及其諸眷屬鬪諍遊戲時聞
香皆能知曠野險隘處師子象虎狼野牛水牛
等聞香知所在若有懷妊者未辯其男女無根
及非人聞香悉能知以聞香力故知其初懷妊
成就不成就安樂產福子以聞香力故知男女

法華通義 卷六
所念染欲癡恚心亦知修善者地中衆伏藏金
銀諸珍寶銅器之所盛聞香悉能知種種諸瓔
珞無能識其價聞香知貴賤出處及所在天上
諸華等曼陀曼殊沙波利質多樹聞香悉能知
天上諸宮殿上中下差別衆寶華莊嚴聞香悉
能知天園林勝殿諸觀妙法堂在中而娛樂聞
香悉能知諸天若聽法或受五欲時來往行坐
臥聞香悉能知天女所著衣好華香莊嚴周旋
遊戲時聞香悉能知如是展轉上乃至於梵世

入禪出禪者聞香悉能知炎音徧淨天乃至於
有頂初生及退沒聞香悉能知諸比丘衆等於
法常精進若坐若經行及讀誦經典或在林樹
下專精而坐禪持經者聞香悉知其所持菩薩
志堅固坐禪若讀誦或爲人說法聞香悉能知
在在方世尊一切所恭敬愍衆而說法聞香悉
能知衆生在佛前聞經皆歡喜如法而修行聞
香悉能知雖未得菩薩無漏法生鼻而是持經
者先得此鼻相

此鼻根清淨功德也。須臾那此云善攝意。瞻
蔔此云黃華小而香。波羅羅此云薰華。多摩
羅跋此云賢無垢香。多伽羅此云水香。衆生
之香蓋衆生身分皆各有氣分熏人。約義爲
香耳。波利質多羅乃帝釋員生樹。拘鞞陀羅
云大遊戲地樹。不壞不錯言無壞無雜也。言
聲聞及佛四聖之香。所謂戒香定香智慧香
解脫香解脫知見香。此皆非有形色之香。豈
鼻根可能聞哉。鼻根清淨故乃可聞。所謂心

空聞性香也。頌言地中寶藏懷妊男女聞香
而能辯。初懷妊時。卽知其成就。不成就。又男
女所念染欲癡恚之心。及地中伏藏金銀珍
寶銅器所盛。又珍寶貴賤聞香知貴賤。出處
凡此等事。豈鼻根所能哉。華嚴所言菩薩有
十種甚微細智。非洞明法界無以辯博。如此
而言鼻根清淨。是所謂寄根而言耳。乃至衆
生在佛前聞經皆歡喜如法。而修行聞香悉
能知。此非平等法性無以洞達如此。肉身之

鼻天然實相不待無漏法生矣

復次常精進若善男子善女人受持是經若讀若誦若解說若書寫得千二百舌功德若好若醜若美不美及諸苦澀物在其舌根皆變成上味如天甘露無不美者若以舌根於大衆中所演說出深妙聲能入其心皆令歡喜快樂又諸天子天女釋梵諸天聞是深妙音聲有所演說言論次第皆悉來聽及諸龍龍女夜叉夜叉女乾闥婆乾闥婆女阿脩羅阿脩羅女迦樓羅

迦樓羅女緊那羅緊那羅女摩睺羅伽摩睺羅伽女爲聽法故皆來親近恭敬供養及比丘丘尼優婆塞優婆夷國王王子群臣眷屬小轉輪王大轉輪王七寶千子內外眷屬乘其宮殿俱來聽法以是菩薩善說法故婆羅門居士國內人民盡其形壽隨侍供養又諸聲聞辟支佛菩薩諸佛常樂見之是人所在方面諸佛皆向其處說法悉能受持一切佛法又能出於深妙法音爾時世尊欲重宣此義而說偈言

是人舌根淨終不受惡味其有所食噉悉皆成
甘露以深淨妙聲於大衆說法以諸因緣喻引
導衆生心聞者皆歡喜設諸上供養諸天龍夜
叉及阿脩羅等皆以恭敬心而共來聽法是說
法之人若欲以妙音徧滿三千界隨意卽能至
大小轉輪王及千子眷屬合掌恭敬心常來聽
受法諸天龍夜叉羅刹毘舍闍亦以歡喜心常
樂來供養梵天王魔王自在大自在如是諸天
衆常來至其所諸佛及弟子聞其說法音常念

而守護或時爲現身

此舌根清淨功德也。舌約嘗味則好醜美惡
苦澀諸物。一入舌根皆變上味。純成甘露法
味。此乃離味之知也。約說法在衆生中則諸
天八部五衆之人。俱來聽法。盡形供養。在四
聖則聲聞辟支菩薩諸佛常樂見之。且又感
諸佛皆向說法。悉能受持。是謂諸佛法身入
我性。我性還共如來合。此所以又能出於深
妙法音也。頌言諸佛常念守護現身謂妙契

法身故也

復次常精進若善男子善女人受持是經若讀若誦若解說若書寫得八百身功德得清淨身如淨琉璃衆生喜見其身淨故三千大千世界衆生生時死時上下好醜生善處惡處悉於中現及鐵圍山大鐵圍山彌樓山摩訶彌樓山等諸山及其中衆生悉於中現下至阿鼻地獄上至有頂所有及衆生悉於中現若聲聞辟支佛菩薩諸佛說法皆於身中現其色像爾時世尊

欲重宣此義而說偈言

若持法華者其身甚清淨如彼淨琉璃衆生皆喜見又如淨明鏡悉見諸色像菩薩於淨身皆見世所有唯獨自明了餘人所不見三千世界中一切諸群萌天人阿脩羅地獄鬼畜生如是諸色像皆於身中現諸天等宮殿乃至於有頂鐵圍及彌樓摩訶彌樓山諸大海水等皆於身中現諸佛及聲聞佛子菩薩等若獨若在衆說法悉皆現雖未得無漏法性之妙身以清淨常

體一切於中現

此身根清淨功德也。以身清淨如淨琉璃。故衆生喜見。衆生生死善惡報處。及三界形色四聖體用。一一皆在身中顯現。如鏡現像。寂音引晉佛圖澄者。本天竺人。以永嘉四季至洛陽。自言百餘歲。腹旁有孔。以絮塞之。夜讀則拔絮出。光照室。又常將齋。臨水從孔中引腸胃洗濯。還納腹中。以油塗掌中。使童子卽而窺之。童子驚走曰。是中有軍馬。蓋照見石

氏擒劉曜。計其處千餘里。此亦父母所生之常體也。頌言菩薩於淨身。皆見世所有。唯獨自明了。餘人所不見。此正楞嚴所謂一人發真歸元。十方虛空。悉皆消殞。空中國土。悉皆振裂。此蓋發真者見。餘人所不見也。

復次常精進。若善男子善女人。如來滅後。受持是經。若讀若誦。若解說。若書寫。得千二百意功德。以是清淨意根。乃至聞一偈。一句。通達無量。無邊之義。解是義。已能演說。一句。一偈。至於一

法華通義 卷六
月四月乃至一歲諸所說法隨其義趣皆與實
相不相違背若說俗間經書治世語言資生業
等皆順正法三千大千世界六趣衆生心之所
行心所動作心所戲論皆悉知之雖未得無漏
智慧而其意根清淨如此是人有所思惟籌量
言說皆是佛法無不真實亦是先佛經中所說
爾時世尊欲重宣此義而說偈言

是人意清淨明利無濁穢以此妙意根知上中
下法乃至聞一偈通達無量義次第如法說月

四月至歲是世界內外一切諸衆生若天龍及
人夜叉鬼神等其在六趣中所念若干種持法
華之報一時皆悉知十方無數佛百福莊嚴相
爲衆生說法悉聞能受持思惟無量義說法亦
無量終始不忘錯以持法華故悉知諸法相隨
義識次第達名字語言如所知演說此人有所
說皆是先佛法以演此法故於衆無所畏持法
華經者意根淨若斯雖未得無漏先有如是相
是人持此經安住希有地爲一切衆生歡喜而

法華經故
愛敬能以千萬種善巧之語言分別而說法持
法華經故

此意根清淨功德也。以意根清淨離諸思量
分別故於一偈一句達無量義以深達實相
故說俗間經書治世語言資生業等皆順正
法。如古德機緣廬陵米價麻三斤乾矢橛庭
前栢樹子洗鉢盂去等。一一如此皆意根清
淨故拈起便示向上第一義也。六道衆生心
所動作皆悉知之。以心徧十方同一體故。此

人有所說皆是先佛法以得諸佛智慧故。是
人持此經安住希有地。總言六根清淨如此
爲希有地也。

此言悟佛知見。蓋以四安樂行爲妙悟之始。
壽量爲妙悟之極。故較量分持全經之功德。
以至六根清淨乃爲妙悟之實效。然就父母
所生肉身六根而言者。楞嚴云識陰盡者如
淨琉璃中含寶月。故六根融通圓照法界。是
皆未盡果。將卽肉身而言妙悟開發之如此。

法華通義 卷六
是知持經妙悟端在識心盡破。分別情亡。故一一圓明。清淨實相。此法爾如然。稟明於心。不假外也。故從上諸祖妙悟自心。皆能如此。但不欲顯露。惑世耳。觀其各有臨終付囑密記之事。靡不歷然。此其驗也。故天台智者大師妙悟法華三昧。親見靈山一會儼然現存。豈非眼根清淨之驗歟。

妙法蓮華經常不輕菩薩品第二十

此品來意由前言持經功德之勝。今正示以堅持之行。故如來自敘往昔爲菩薩時名爲不輕。持此妙法。唯以平等佛慧教化衆生。乃至多遭毀辱。絕無一念疲厭之心。以至今日得菩提果。此持經之驗也。以此勸進二乘當遵此範。末世持經可無厭患。自無退墮之心也。以此妙法悟之爲難。既悟守之爲難。且於惡世弘持此經。更難之難。故世尊憂慙之意也深。而叮嚀告誡之心也切。所以歷說持經之行。自提婆達多以來。皆明悟守之事。至此

遵如來行然後乃爲精持以得六根清淨乃見其人故此品來也前後諸品文雖不一義實一貫叅會經文自得其旨具見如來說法之意也

爾時佛告得大勢菩薩摩訶薩汝今當知若比丘比丘尼優婆塞優婆夷持法華經者若有惡口罵詈誹謗獲大罪報如前所說其所得功德如向所說眼耳鼻舌身意清淨

此將顯精持之利先牒指持毀以警之也毀

謗之罪如前喻品末與法師品說聞持之福如向法師功德品說將顯精持而先牒明損益者意謂不善持者令彼毀謗而獲罪法師雖能善持得六根清淨不能化彼強暴但能自利而不能利他今常不輕以佛性徧記四衆今增上慢皆轉邪心而生正信而自亦得六根清淨所謂自利利他二行具足故將說精持而先牒罪福意顯持經必若常不輕者乃盡精持之效也告大勢者以恐有大力故

也

得大勢乃往古昔過無量無邊不可思議阿僧祇劫有佛名威音王如來應供正徧知明行足善逝世間解無上士調御丈夫天人師佛世尊劫名離衰國名大成其威音王佛於彼世中爲天人阿脩羅說法爲求聲聞者說應四諦法度生老病死究竟涅槃爲求辟支佛者說應十二因緣法爲諸菩薩因阿耨多羅三藐三菩提說應六波羅蜜法究竟佛慧得大勢是威音王佛

壽四十萬億那由他恒河沙劫正法住世劫數如一閻浮提微塵像法住世劫數如四天下微塵其佛饒益衆生已然後滅度正法像法滅盡之後於此國土復有佛出亦號威音王如來應供正徧知明行足善逝世間解無上士調御丈夫天人師佛世尊如是次第有二萬億佛皆同一號最初威音王如來旣已滅度正法滅後於像法中增上慢比丘有大勢力爾時有一菩薩比丘名常不輕

法華通議 卷六
此將舉精持之人先舉所師之佛也。佛號威音王者。可畏曰威。聞聲而伏。謂之威音。不必作意而人自畏之。故曰威音王。菩薩住寂滅。忍以平等大悲普施衆生。衆生聞聲而自畏。伏故所師之佛爲威音王。而人稱已曰。常不輕。是以尊行加人故也。以安忍寂滅物我兩忘。永離憂惱。故劫名離衰。唯以忍行故。無損有益。故國名大成。此乃空劫初成之佛。已前無佛。故宗門稱向上曰威音那畔。今說精持

而先指毀謗之罪者。意謂不能持經。故損他無益。卽前四安樂行。雖能守已。以免毀謗之來。不致損他。而猶不能轉彼不信。以入信根。故持經法師。雖能自得六根清淨。而不能令他同入。是但自利。不能利他。故非精持。今不輕菩薩。以平等大悲佛性種子。徧記四衆。不但安忍謗辱。而能化彼增慢。轉罪爲福。方是真精進行。有大勢力。乃盡持經之妙也。故佛將顯此行。先舉損益有深意也。

法華通義 卷六
得大勢以何因緣名常不輕是比丘凡有所見
若比丘比丘尼優婆塞優婆夷皆悉禮拜讚歎
而作是言我深敬汝等不敢輕慢所以者何汝
等皆行菩薩道當得作佛

此徵不輕得名之因緣也。因以佛性徧觀四
衆故禮拜讚歎皆稱行菩薩道。當得作佛是
以平等大悲普視衆生。不輕於人也。

而是比丘不專讀誦經典。但行禮拜乃至遠見
四衆亦復故往禮拜讚歎而作是言我不敢輕
於汝等。汝等皆當作佛。

此言不專讀誦經典。但行禮拜者。以經乃詮
顯如來法身佛性種子之具也。今觀佛性普
觀四衆。則法身徧在大衆身中。斯則真經在
人。而不在于紙墨文字。卽此便爲真持經矣。

四衆之中。有生瞋恚心不淨者。惡口罵詈。言是
無智比丘。從何所來。自言我不輕汝。而與我等
授記。當得作佛。我等不用如是虛妄授記。如此
經歷多季。常被罵詈。不生瞋恚。常作是言。汝當

法苑珠林卷之六
作佛說是語時衆人或以杖木瓦石而打擲之
避走遠任猶高聲唱言我不敢輕於汝等汝等
皆當作佛以其常作是語故增上慢比丘丘
尼優婆塞優婆夷號之爲常不輕

此言因是而得不輕之名也罵詈不瞋打擲
不怨而猶常自高聲授記願人作佛者此正
安心寂滅物我兩忘無我之至也以是之故
久而不退卽彼闍提四衆皆起信根非此不
足以化強暴故皆號之爲常不輕大哉佛意

甚深微妙之如此也始也二乘不聞此經絕
無成佛之分是法身慧命備載此經故曰此
中已有如來全身故二乘旣聞此經皆得授
記作佛以法由人弘若無人弘則慧命斷絕
故所重者又在持經之人也且惡世難持不
善持者令人不信生謗則無益而有損是則
持經又最難得其人也故說四安樂行教以
持經之方不致彼謗及得其人有能持者當
供如佛是則佛性慧命又在能持之人而不

在經矣。所謂人存政舉也。故能持之人。卽得六根清淨之益。此雖自利而不能利他。是能持而不能弘也。今常不輕者。不專誦經。但行禮拜。而以佛性種子。徧記四衆。是則佛性。普在諸人。而不獨在持經者也。故能轉彼邪心。化彼兇暴。而生正信。皆植成佛之因。如此方盡。如來涉世利生之本懷也。觀其義深遠。其語巧如。不但四十季前之方便。卽法華一會。特爲此事。猶且方便。微密漸導。至此而顯。

發其極致。此豈常情所窺測哉。觀者不見佛心。而以文字智辯爲多者。有負如來深慈矣。可不敬哉。

是比丘臨欲終時。於虛空中。具聞威音王佛先所說法華經。二十千萬億偈。悉能受持。卽得如上眼根清淨耳。鼻舌身意根清淨。得是六根清淨。已更增壽命二百萬億那由他歲。廣爲人說。是法華經。

此言不輕聞經得自利之益也。臨終者顯向

未聞經未得慧命也。空中聞威音王佛先說。此經者意顯此經乃真空法界所流也。二十萬億偈者。凡有對則爲二。以此經乃心境雙忘。離相寂滅之法。衆生心境種種無量。一聞此經。則一切心境化爲寂滅之法矣。故經有二十千萬億偈未足多也。卽得六根清淨者。顯持經之益也。更增壽命。以歸終聞經。以能受持。續佛慧命。以稱法界寂滅之性。故得一百萬億那由他歲。以稱性而演故。盡命說。

經

於時增上慢四衆比丘。比丘尼優婆塞優婆夷。輕賤是人爲作不輕名者。見其得大神通力。樂說辯力。大善寂力。聞其所說。皆信伏隨。從是菩薩復化千萬億衆。令住阿耨多羅三藐三菩提。此言不輕。因聞法持經轉邪利他之益也。彼增上慢四衆人等。乃昔輕賤不輕者。向已稱美名。則已不毀知所重矣。今見不輕得大神通。謂六根清淨。樂說辯力。謂廣說此經。大善

寂力謂住寂滅忍。故皆信伏隨從。是則不但
不毀。抑又歸化。此由不輕忍力所致也。故復
化千萬億衆。令住菩提。此利他之行。見持經
之益也。然世尊將說妙法。而五千上慢禮佛
而退。是知此輩乃諸佛所不化者。今見不輕
而感化如此。所謂觀德人之容。使人之意也。
消是貴身體力行之益。有勝於言說分別也。
命終之後。得值二千億佛。皆號日月燈明。於其
法中。說是法華經。以是因緣。復值二千億佛。同

號雲自在燈王。於此諸佛法中。受持讀誦。爲諸
四衆說此經典。故得是常眼清淨耳鼻舌身。意
諸根清淨。於四衆中。說法心無所畏。得大勢是
常。不輕菩薩摩訶薩。供養如是若干諸佛。恭敬
尊重。讚歎種諸善根。於後復值千萬億佛。亦於
諸佛法中。說是經典。功德成就。當得作佛。

此言不輕持經值佛之益也。命終得值二千
億佛。皆號日月燈者。謂住寂滅法。佛性種子
慧光常明。如日月燈。故云於其法中。說法華

經也復值二千億佛同號雲自在王者謂妙
法如雲普被群生慧光破暗得大自在也以
得六根清淨絕諸對待故說法無畏也供養
既多善根已深故說此經久而不倦當得作
佛也

得大勢於意云何爾時常不輕菩薩豈異人乎
則我身是若我於宿世不受持讀誦此經爲他
人說者不能疾得阿耨多羅三藐三菩提我於
先佛所受持讀誦此經爲人說故疾得阿耨多

羅三藐三菩提

此言不輕乃釋尊前身也以持經之久故成
佛之速意在勵其精持也

得大勢彼其四衆比丘比丘尼優婆塞優婆夷
以瞋恚意輕賤我故二百億劫常不值佛不聞
法不見僧于劫於阿鼻地獄受大苦惱畢是罪
已復遇常不輕菩薩教化阿耨多羅三藐三菩
提

此言不輕復化之益也被四衆瞋恚不輕而

不信者故感于劫地獄之苦罪畢還遇不輕
教化成佛所謂聞而不信尚結佛種之因也
得大勢於汝意云何爾時四衆常輕是菩薩者
豈異人乎今此會中跋陀婆羅等五百菩薩師
子月等五百比丘尼思佛等五百優婆塞皆於
阿耨多羅三藐三菩提不退轉者是

此言今日枉會大衆卽昔日謗法之人也以
初謗者乃法華經也故今還因聞此經而得
開悟以四衆現存豈非大益

得大勢當知是法華經大饒益諸菩薩摩訶薩
能令至於阿耨多羅三藐三菩提是故諸菩薩
摩訶薩於如來滅後常應受持讀誦解說書寫
是經

此結顯勝益所以勸持也前言謗經之罪但
言地獄三途之苦報盡爲人終無獲益意顯
不善持者令人終於不信是謂慧命斷絕也
今言謗者卽感地獄苦畢復蒙教化此其慧
命不絕者乃善持經之益佛意持經必苦不

法華通義 卷六
輕然後爲精持故勸受持引已往事以誠將
來佛慈深矣

爾時世尊欲重宣此義而說偈言

過去有佛號威音王神智無量將導一切天人
龍神所共供養是佛滅後法欲盡時有一菩薩
名常不輕時諸四衆計著於法不輕菩薩往到
其所而語之言我不輕汝汝等行道皆當作佛
諸人聞已輕毀罵詈不輕菩薩能忍受之其罪
畢已臨命終時得聞此經六根清淨神通力故

增益壽命復爲諸人廣說是經諸著法衆皆蒙
菩薩教化成就今任佛道不輕命終值無數佛
說是經故得無量福漸具功德疾成佛道

此頌述不輕遠因也從過去有佛下至疾成
佛道四十句通頌不輕持經之事連言命終
聞經先言增壽後言值無數佛是知慧命相
續永永無窮也

彼時不輕則我身是時四部衆著法之者聞不
輕言汝當作佛以是因緣值無數佛此會菩薩

法華通義 卷一
五百之衆并及四部清信士女今於我前聽法者是

此言今緣以證昔因也。彼時不輕下十四句言不輕卽我。彼謗毀者卽現前四衆也。

我於前世勸是諸人聽受斯經第一之法。開示教人令住涅槃。世世受持如是經典。億億萬劫。至不可議時。乃得聞是法華經。億億萬劫。至不可議諸佛世尊時。說是經是。故行者於佛滅後。聞如是經。勿生疑惑。應當一心廣說此經。世世

值佛疾成佛道

此結勸持也。我於前世下至時。說是經十六句。顯昔勸之益。是故行者下八句。言今勸之益。言時聞時說。所謂欲識佛性義。當觀時節因緣也。

古釋齊此已前二十品名正宗分。此後八品判屬流通。今愚以開示悟入四字分二十八品。通是正宗。以提婆達多品至後。屬累十一品。爲悟佛知見。藥王及後至普賢勸發六品。

法華通義 卷六
爲入佛知見。已前二十二品通名信解。向後六品顯行證。故意以藥王明行爲入。此與古釋全不相蒙。而以義爲準。臨文自當證知。

妙法蓮華經如來神力品第二十一

此品來意。由前世尊廣說持經之功。復示自持之行。是則當機圓悟已極。已遂如來出世本懷。且得地涌持經之衆。故如來歡喜。乃極盡神力。而印證之。且示當機平等法界。直令覩佛境於目前。見淨土於當下。以顯法利已。

圓將付法王家業也。然後地涌之衆。以發啓者。正顯自心性德。滿足方爲法華全體也。如來卽現神力。徧身毛孔。皆放光明。舌至梵天地。皆震動者。所謂通身吐露。徹底掀翻也。諸佛同放光明。以顯佛佛道同也。十方諸佛同坐。光空中。出聲遙讚釋迦說法華經者。以顯十方諸佛心心相印也。十方世界通達無礙。如一佛土者。乃昭廓法身真境。以消二乘限量之心也。如來至此極盡神力。發揚此經。

法華通義 卷六
功德不盡者以如來所有一切之法。一切自
在神力。一切秘密之藏。一切甚深之事皆於
此經宣示顯說。故久默斯要。今乃說之。以其
難信難解。今已深信深解。所謂悟佛知見也。
而奉持之功德亦非思議可及。故開示至此。
顯理已極妙。悟已圓。乃盡佛神力以印證之。
故判此品已前爲信解之真因。因心既真。可
克妙果。故次囑累。先此品來意顯地涌之衆
皆克家之子也。舊判此品連後七品俱屬流

通。此品爲發起義有未盡。故愚判藥王連後
五品爲入佛知見。由行以證果。方盡如來說
法儀式故也。

爾時于世界微塵等菩薩摩訶薩從地涌出者
皆於佛前一心合掌瞻仰尊顏而白佛言。世尊
我等於佛滅後。世尊分身所在國土。滅度之處
當廣說此經。所以者何。我等亦自欲得是真淨
大法。受持讀誦。解說書寫而供養之。

此地涌之衆。請持妙法也。然地涌之衆皆克

法華通義 卷六
家之子特爲特經而出。何以一向默住直待
至此方請者。以此大衆向住下方空中行頭
陀事。志樂靜處。似未達涉俗利生之事故。待
世尊分別持經功德。以堅願樂之心。及說不
輕以示二利之行。故至此方於佛前願於滅
後。凡分身所在滅度之處。皆願廣說此經。亦
自欲得是真淨大法。所以請也。新記之衆願
於他方弘經。而不敢在娑婆。藥王願在娑婆
而不敢往十方。唯地涌之衆願往分身所在

之處廣說此經。則願大而心廣。與佛心等。故
特付囑之。

爾時世尊於文殊師利等無量百千萬億舊在
娑婆世界。菩薩摩訶薩及諸比丘比丘尼優婆
塞優婆夷。天龍夜叉乾闥婆阿脩羅迦樓羅緊
那羅摩睺羅伽人非人等。一切衆前現大神力
出廣長舌。上至梵世。一切毛孔。放於無量無數
色光。皆悉徧照十方世界。衆寶樹下師子座上
諸佛亦復如是。出廣長舌。放無量光。釋迦牟尼

法華通義 卷六
佛及寶樹下諸佛現神力時滿百千歲然後還
攝舌相一時警歎俱共彈指是二音聲徧至十
方諸佛世界地皆六種震動

此如來印許持經故現大神力以示得遂本
懷踴躍歡喜之意也。舊任娑婆言文殊等往
會與地涌之衆揀非他方雲集者以將屬累
先現神力警之也。神力乃法界無作妙力也。
華嚴爲之神變相。廣長舌者如來三十二相
有覆面舌。今言出廣長舌乃神力所現也。舌

雖大而不出口。今言出廣長舌上至梵世。且
梵世乃色究竟處也。而云至者正顯有色相
處。凡一切音聲形色皆說法音聲也。毛孔甚
微細世界甚廣大。而云一切毛孔放無量無
數色光遍照十方世界者。意顯正報毛孔依
報微塵。一一其中智光充滿皆說法之地也。
此釋迦一佛所現神力之廣大如此。衆寶樹
下諸佛乃分身雲集之佛。一一舌相光明皆
與釋迦等無有異者。顯佛佛道同也。現神力

法華通義 卷六
滿百千歲者放光之頃卽經如許長時顯三
際平等也。至梵世則豎窮遍十方則橫該百
千歲則三世意顯此舌根豎窮橫遍十方三
世神力充滿法音彌布意將以此神力說此
經之功德猶不能盡也。譬欵彈指最小音聲
而能徧至十方地皆震動者意顯法音稱眞
法界故聲所及處衆生聞者無明頓破之象
也將顯讚經功德故先現此神力也。

其中衆生天龍夜叉乾闥婆阿脩羅迦樓羅緊

那羅摩睺羅伽人非人等以佛神力故皆見此
娑婆世界無量無邊百千萬億衆寶樹下師子
座上諸佛及見釋迦牟尼佛共多寶如來在寶
塔中坐師子座又見無量無邊百千萬億菩薩
摩訶薩及諸四衆恭敬圍繞釋迦牟尼佛既見
是已皆大歡喜得未曾有。

此言衆生八部各因神力攝受開佛知見也。
其中衆生八部皆住十方界光中之所攝受
者且此皆肉眼不能遠見今因佛光所攝皆

法華通義 卷六
逢見娑婆世界中雲集十方分身諸佛及
見釋迦多寶并無邊法會圍繞釋迦者是所
謂開佛知見頓見靈山一會儼然現在故皆
歡喜得未曾有此因神力所攝也

爾時諸天於虛空中高聲唱言過此無量無邊
百千萬億阿僧祇世界有國名娑婆是中有佛
號釋迦牟尼今爲諸菩薩摩訶薩說大乘經名
妙法蓮華教菩薩法佛所護念汝等當深心隨
喜合掌禮拜供養釋迦牟尼佛彼諸衆生聞虛

空中聲已合掌向娑婆世界作如是言南無釋
迦牟尼佛南無釋迦牟尼佛以種種華香瓔珞
旛蓋及諸嚴身之具珍寶妙物皆共遙散娑婆
世界所散諸物從十方來譬如雲集變成寶帳
徧覆此間諸佛之上於時十方世界通達無礙
如一佛土

此言空中諸天因光所照見靈山一會說法
華經轉教衆生隨喜者意顯能入法性真空
方能悟此妙法據此乃可轉教衆生隨喜正

法華通義 卷六
謂坐如來座方能弘持此經也。彼諸衆生聞此聲已。皆向釋迦三稱者。此因轉教故。諸聞者各各開佛知見也。以種種瓔珞妙物。遙散娑婆者。以諸妙行。一一回向佛道也。所散之物。變成寶帳者。以理融事。通歸法界也。十方世界。通達無礙。如一佛土者。開佛知見。則一切根塵識界。廓然無礙。此皆神力所致也。爾時佛告上行等菩薩大衆。諸佛神力如是。無量無邊。不可思議。若我以是神力於無量無邊

百千萬億阿僧祇劫。爲囑累故。說此經功德。猶不能盡。

此結顯經德。已上種種神力。說不能盡也。且以至梵天之舌相。照十方之毛光。合十方雲集。分身諸佛之神力。滿百千歲之長時。是則豎窮三際。橫徧十方。震動大千。通諸佛土。如是神力於無量劫。說此經之功德。猶不能盡者。極顯此經乃法界之全體。然諸佛神力。雖廣大無比。猶是分顯。未能盡舉法界之量。如

法華通義 卷六
所謂未徧普賢一毛孔故也。以法界全體諸佛衆生正報之毛孔。依報世界之微塵。一一徧含十方刹土。大經云。普賢一一毛孔中不可說刹次第入。毛孔能受彼諸佛。諸刹不能遍毛孔。如一毛孔。一切毛孔。一一皆然。如一微塵。一切微塵。塵塵亦爾。以此經雖未明言事事無礙。而一真法界乃四法界之本故也。以此經所詮實相寂滅真心。是一真法界之實相。故諸佛所現神力而不能盡說。此經之

功德也。華嚴云。假使有人以虛空爲紙。大海爲墨。須彌爲筆。書寫此經一字功德不盡。正此意也。

以要言之。如來一切所有之法。如來一切自在神力。如來一切秘要之藏。如來一切甚深之事。皆於此經宣示顯說。

此言神力不能盡說之所以也。一切所有盡法界之所有也。一切自在。神力盡法界無作之大用也。一切秘藏。盡法界之秘密也。一切

法華通義 卷六
甚深之事徹法界之源底也。是皆法身全體
殊不可以見聞之跡求之。今此經分明顯說
如上神力雖廣大無邊。猶屬可見可聞。所以
不能盡說此經之功德耳。

是故汝等於如來滅後。應一心受持讀誦解說
書寫如說修行。所枉國土。若有受持讀誦解說
於林中。若於樹下。若於僧坊。若白衣舍。若在殿
堂。若山谷曠野。是中皆應起塔供養。所以者何。

當知是處卽是道場。諸佛於此得阿耨多羅三
藐三菩提。諸佛於此轉於法輪。諸佛於此而般
涅槃。

此囑地涌之衆。傳持此經。以結前云。此中
有如來全身。皆應起塔等義也。所以者何。下
釋所以也。以一切諸佛成道度生轉法輪入
涅槃。皆從此經出。故應起塔供養。故當弘持
使慧命不斷也。

爾時世尊欲重宣此義。而說偈言。

法華通論 卷六
諸佛救世者任於大神通爲悅衆生故現無量
神力舌相至梵天身放無數光爲求佛道者現
此希有事諸佛警欬聲及彈指之聲周聞十方
國地皆六種動以佛滅度後能持是經故諸佛
皆歡喜現無量神力囑累是經故讚美受持者
於無量劫中猶故不能盡是人之功德無邊無
有窮如十方虛空不可得邊際能持是經者則
爲已見我亦見多寶佛及諸分身者又見我今
日教化諸菩薩能持是經者令我及分身滅度

多寶佛一切皆歡喜十方現在佛并過去未來
亦見亦供養亦令得歡喜諸佛坐道場所得秘
要法能持是經者不久亦當得能持是經者於
諸法之義名字及言辭樂說無窮盡如風於空
中一切無障礙於如來滅後知佛所說經因緣
及次第隨義如實說如日月光明能除諸幽冥
斯人行世間能滅衆生暗殺無量菩薩畢竟任
一乘是故有智者聞此功德利於我滅度後應
受持斯經是人於佛道決定無有疑

諸佛救世者下十二句頌神通之事。以佛滅度下十二句頌神力不能盡說持經之功德。能持是經下六句頌持經卽見釋迦多寶分身諸佛并我今日教菩薩事以一切諸佛法身應現之事皆在此經故能見之。能持是經下八句頌能持是經由見諸佛故諸佛歡喜。諸佛坐道場下十句頌由持此經卽得諸佛秘要之法故得四無礙辯也。諸法法無礙也。之義義無礙也。名字言詞詞無礙也。樂說無

窮樂說無礙也。故結云一切無障礙。於如來滅後下十句頌由得四無礙辯故能說法教無量菩薩皆任一乘之大益也。是故有智者下六句結頌勸持也將欲囑累先現神力以顯不能盡說此經之功德者意顯此經乃如來道場所得之法。功德廣大。以發持經菩薩堅固願力也。

妙法蓮華經囑累品第二十二

此品來意以從前開示顯理已圓。當機悟心

已徹信解已真是成佛之真因已具則如來
出世本懷已滿。正若長者父子情忘卽當委
付家業。故說囑累爲信解之終。故此品來非
斷爲流通也。齊此已上十一品經爲悟佛知
見。合前二十一品通爲信解總屬顯理爲因。
下六品顯行以明證入爲果。

爾時釋迦牟尼佛從法座起現大神力以右手
摩無量菩薩摩訶薩頂而作是言我於無量百
千萬億阿僧祇劫修習是難得阿耨多羅三藐

三菩提法今以付屬汝等汝等應當一心流布
此法廣令增益如是三摩諸菩薩摩訶薩頂而
作是言我於無量百千萬億阿僧祇劫修習是
難得阿耨多羅三藐三菩提法今以付囑汝等
汝等當受持讀誦廣宣此法令一切衆生普得
聞知

將欲付囑先摩頂安慰而告諭者示其慈憐
令不驚疑而必信也。三摩其頂再三諄切之
至也。無上菩提最爲難得之法。佛於歷劫勤

法華通義 卷六
苦乃至三千世界無芥子許不是菩薩爲求
菩提捨身命處。以久受勤苦乃可得成。所謂
難得阿耨菩提也。今將付囑再三言其難得
者。正如長者大富之家。要子知其創業之艱
難也。今以此法付囑菩薩。非特欲其持守而
已。且欲廣宣此法。令一切衆生普得聞知。以
所託者重。故告諭之心也。切。是謂一大事因
緣。非細故也。

所以者何。如來有大慈悲。無諸慳吝。亦無所畏。
能與衆生佛之智慧。如來智慧自然智慧。如來
是一切衆生之大施主。汝等亦應隨學。如來之
法。勿生慳吝。於未來世。若有善男子善女人。信
如來智慧者。當爲演說此法。華經使得聞知。爲
令其人得佛慧。故若有衆生不信受者。當於如
來餘深妙法中。示教利喜。汝等若能如是。則爲
已報諸佛之恩。

此釋令其廣宣之意也。十方如來。但以衆生
爲心。凡已所有。皆與衆生。以有大慈悲。無所

法華通義 卷六
怯惜亦不畏衆生之多。凡有求者皆能與之。此諸佛之本心也。能與衆生佛之智慧。如來智慧。自然智慧。然云佛之智慧。而有三種者。何耶。言佛之智慧。乃衆生所迷。今與開示令其悟入者是也。如來智慧。乃衆生與佛平等共有。因修而後證得者也。自然智慧。則天然妙性。本無迷悟。不屬修證者也。智慧本一。但由開示而後悟入。由悟入而後修。因修而證。本有天然之自性。故說有三種也。今佛既與

開示。必使悟修而證。本有方爲究竟。盡皆與之無悋。故是一切衆生之大施主。此如來之心。以衆生爲心也。故教諸菩薩。亦應隨學如來之法。一切與之。勿生慳悋也。故於未來世。凡有信佛智慧者。卽當爲說此經。使得佛慧。上言三種智慧。今教菩薩。但言如來智慧者。以先爲衆生開示佛之知見。使自悟入。修習證得。故以開示爲急務。所以特言之也。儻若衆生有不信。如來智慧者。當於深妙法中示

法華通義 卷六
聖
教利喜謂於三乘權教秘密法中漸漸誘引
使令信受此正付囑之意也故曰汝等若能
如是則爲已報諸佛之恩矣前方便品末身
子等感悟佛恩乃至頂戴塵劫身爲床座徧
於三千世界畢竟不能報佛之恩故此結勸
但能弘宣此經則爲已報諸佛之恩矣所謂
假使頂戴經塵劫身爲床座徧三千若不弘
法度衆生畢竟無能報恩者

時諸菩薩摩訶薩聞佛作是說已皆大歡喜徧

滿其身益加恭敬曲躬低頭合掌向佛俱發聲
言如世尊勅當具奉行唯然世尊願不有慮諸
菩薩摩訶薩衆如是三反俱發聲言如世尊勅
當具奉行唯然世尊願不有慮

此諸菩薩因佛付囑而受命也因佛摩頂三
囑故此三反受命安慰世尊願不有慮此正
克家之子足以慰父之心也

爾時釋迦牟尼佛令十方來諸分身佛各還本
土而作是言諸佛各隨所安多寶佛塔還可如

故
此付囑事畢故令分身諸佛各還本土也。前
窮于喻長者思念此子意欲委付家業。及窮
子歸來始而驚怖既而疑久而信益久而親
父子情忘故長者并會親族國王大臣委付
家業。今多寶出現分身齊集正會國王大臣
之意故今付囑已畢遂令分身諸佛各還本
土也。尚留多寶還可如故者以前雖悟法身
但只親近隨順而已後顯證入正欲妙契法

身方爲深入實證故留多寶言還閉塔如故
正顯證入法身秘密藏耳故留證也

說是語時十方無量分身諸佛坐寶樹下師子
座上者及多寶佛并上行等無邊阿僧祇菩薩
大衆舍利弗等聲聞四衆及一切世間天人阿
脩羅等聞佛所說皆大歡喜

此因證法得人付囑故皆歡喜也。分身諸佛
與諸菩薩皆喜者喜釋迦法有所付也。身子
與新記弟子等歡喜者喜有菩薩受囑衆等

法華通義 卷六
末世有所依歸也

金剛經云。如來善護念諸菩薩。善付囑諸菩薩。是知如來出世一向護念菩薩。專爲付囑此事也。四十年來求人不得。今幸得人而付囑之。已盡如來出世本懷。利生之能事。已畢於此。所謂教菩薩。法佛所護念者。業已盡情吐露矣。故今付囑其受囑者。但印證其心而已。欲證實果。必須修行。所謂先悟後修。故後六品以藥王等正顯依法修行。方可證入名

爲入佛知見。詎可視爲虛受耶。故愚判爲入佛知見。意在顯行。若言流通。則此經爲一代時教之總流通耳。智者諄之。

妙法蓮華經藥王菩薩本事品第二十三

此品來意。由前顯理已圓。今當顯行。以明入佛知見也。前乃教菩薩法。後乃依教修行。以取實證。以藥王明行者意。謂二乘雖悟圓理。尚有微細無明習氣。未淨難於涉俗利生。猶要歷事多佛。廣修衆行。必資止觀之藥。調治

法華通義 卷六
三、五
之方淨治微細無明破俱生我法二執。以爲
妙行乃可證入。故首問藥王云。何遊於娑婆
世界而行百千萬億難行苦行者。正示二乘
初涉生死險道。全仗止觀之力。故以藥王昔
因聞法華經。得現一切色身三昧。以俱生
我法二執。乃能以神力供佛。得受付囑也。然
身供佛。約破俱生我執之象。然臂供養。約破
俱生法執之象。二執既空。皆因法華三昧之
力。以顯持經之功。乃見妙法最勝。故廣讚經

功。凡有修者。無不獲益。故此品來也。二執有
分別俱生二種。初由開示悟佛。知見頓斷。一
分無明已破。分別二執。卽登初地。俱生二執
由二地至七地。斷俱生我執。從八地至佛地。
斷俱生法執。今云破二執。乃二地至七地。行
相至此。乃顯。故云分別二障極喜無。二執俱
生地。地除。故判爲入佛知見明矣。楞伽明菩
薩。以止觀力。進破二障。實證真理。從二地起
至七地。頓捨藏識。乃入八地。自此以後。卽得

三種意生身。一者謂三昧樂意生身。二者覺法自性意生身。三者種類俱生無行作意生身。此當八地得現一切色身三昧乃三昧樂意生身也。妙音觀音二品。如次配二種身。以得此身乃實證之驗也。以此意生身入定。則有出定則無。故云三昧樂正當七地。

爾時宿王華菩薩白佛言。世尊。藥王菩薩云何遊於娑婆世界。世尊是藥王菩薩有若干百千萬億那由他難行苦行善哉。世尊願少解說。諸天龍神夜叉乾闥婆阿脩羅迦樓羅緊那羅摩睺羅伽人非人等。又他國土諸來菩薩及此聲聞衆聞皆歡喜。

此徵明藥王苦行以宿王華發起者。意顯宿修稱真之行。以爲成佛真因也。藥王前願於娑婆世界廣說此經。故今明行。但以涉俗利生弘經爲妙行。故問藥王云何遊於娑婆世界。有百千萬億難行苦行也。願少解說。令衆歡喜者。意顯止觀爲涉俗之要。欲令新記苦

法華通義 卷六
薩得此調心不畏娑婆弊惡也。前四安樂行但遠謗辱譏嫌。此止觀妙行乃證入之妙行。意將歷境調心以治微細無明惑障也。故願說之令此聲聞衆喜也。非此止觀妙行則終不敢入娑婆矣。所以請也。

爾時佛告宿王華菩薩乃往過去無量恒河沙劫有佛號日月淨明德如來應供正徧知明行足善逝世間解無上士調御丈夫天人師佛世尊其佛有八十億大菩薩摩訶薩七十二恒河

沙大聲聞衆佛壽四萬二千劫菩薩壽命亦等彼國無有女人地獄餓鬼畜生阿脩羅等及以諸難地平如掌琉璃所成寶樹莊嚴寶帳覆上垂寶華旛寶瓶香鑪周徧國界七寶爲臺一樹一臺其樹去臺盡一箭道此諸寶樹皆有菩薩聲聞而坐其下諸寶臺上各有百億諸天作天妓樂歌歎於佛以爲供養爾時彼佛爲一切衆生喜見菩薩及衆菩薩諸聲聞衆說法華經此將明藥王之苦行故先述其本因也。所師

法華通義 卷之六
之佛號日月淨明德者。謂以正智觀照破無
明暗淨治染垢之象也。其佛法眷有八十億
菩薩。七十二恒沙聲聞者。意破七識染污無
知習氣將顯八識圓明之體。以契本覺真心
之象也。以本覺妙體不離四大根塵。故佛壽
四萬二千歲。淨智妙圓。絕諸染污。故國無女
人。及四惡道也。七識本是平等性智。故地平
如掌。八識本是如來藏體。大圓鏡智。故琉璃
所成。具有恒沙性德。故寶樹莊嚴等。菩薩聲

聞皆坐寶臺者。言三乘皆依七八二識修行
以成自然得界。故令諸天作樂供佛。喜見爲
藥王前身。因聞說法華經。則實相妙行有所
授受而來也。彼佛爲一切衆生喜見。菩薩說
法華經。一切衆生喜見者。以離染清淨。故衆
所喜見。此藥王之前身也。聞法華經。苦行資
始有本之行也。

是一切衆生喜見菩薩。樂習苦行於日月淨明
德佛法中。精進經行一心求佛。滿萬二千歲已

法華通義 卷六
得現一切色身三昧

此言藥王前身因聞經資行得益也。喜見精進經行。一心求佛者因聞妙法以止觀調心。卽楞伽云無間行。起信云一行三昧故曰一心。以觀實相於一切法了無異相故觀真如名無間行。又名一行也。滿萬二千歲得現一切色身三昧者楞伽大慧問無間行。佛說修行者大方便。乃至得無生法忍住第八地。得離心意識五法自性二無我得得意生身。然

意生身有三種。經云云何三昧樂正受意生身。謂第三四五地三昧樂正受種種自心寂靜安住心海起浪識相不生。知自心現境界性非性是名三昧樂正受意生身。釋曰。謂初登地證平等真如直至七地盡真如際。已捨藏識故云自心種種寂靜。七識波浪不生故云安住心海起浪識相不生。已斷俱生我執。我執既斷則境界無依故云知自心現境界性非性。此乃定力所持亦名力持身故云三

法華通義 卷第 三
味樂正受意生身七地證此而云三四五地
舉中以該初後也今云一心求佛正安住真
如一心也以七識既破則根塵自泯故云滿
萬二千歲住三昧中真如圓明普照一切了
無障礙一切異類種種形色皆現三昧心中
如摩尼珠隨緣顯現故云三昧樂正受意生
身所謂得現一切色身三昧蓋言三昧中現
也前法師功德品持此經者得六根清淨而
已未能現一切色身也今喜見持經以依所

悟實相修行入真如三昧乃依行所成故云
一心求佛乃得現一切色身三昧故判此品
已後爲入佛知見謂依解起行行起解絕乃
得證入故楞伽說三種意生身正顯無間行
實證之相以此釋之方見此經入佛知見之
實證而後六品非流通也智者請深觀之
得此三昧已心大歡喜卽作念言我得現一切
色身三昧皆是得聞法華經力我今當供養日
月淨明德佛及法華經卽時入是三昧於虛空

中雨曼陀羅華摩訶曼陀羅華細糝堅黑梅檀
滿虛空中如雲而下又雨海此岍梅檀之香此
香六銖價直娑婆世界以供養佛

此言喜見因得法利以三昧力研窮習氣之
象也。謂聞實相妙法故得三昧。今欲隨順真
如實相將爲成佛真因故空中雨華作供。卽
以真如三昧熏變習氣故雨香作供養也。以
三昧乃真如氣分故香價直娑婆

作是供養已從三昧起而自念言我雖以神力

供養於佛不如以身供養卽服諸香梅檀薰陸
兜樓婆畢力迦沉水膠香又飲薝蔔諸華香油
滿千二百歲已香油塗身於日月淨明德佛前
以天寶衣而自纏身灌諸香油以神通力願而
自然身光明徧照八十億恒河沙世界其中諸
佛同時讚言善哉善哉善男子是真精進是名
眞法供養如來若以華香瓔珞燒香糝香塗香
天繪幡蓋及海此岸梅檀之香如是等種種諸
物供養所不能及假使國城妻子布施亦所不

法華通義 卷六
及善男子是名第一之施於諸施中最尊最上
以法供養諸如來故作是語已而各默然其身
大然千二百歲過是已後其身乃盡

此言喜見然身正示破俱生我執之象也。上
以神力運供乃三昧無作妙力。此言然身乃
真如三昧進破俱生我執之象故言從三昧
起也。以三昧熏變習氣淨治根塵故云服諸
香滿千二百歲熏變根身故云香油塗身已
捨藏識垢染故云天寶衣而自纏身以全體

真如故灌諸香油我執頓破故云而自然身。
藏識已捨則八識圓明恒沙無明皆成妙覺
故光明徧照八十億恒河沙世界其中諸佛
同時讚歎也是由精進一心我執既破妙契
法身故讚言是真精進是名真法供養如來
也諸供養中法供養最故華香諸物及國城
等供皆所不及也。真如實證妙絕忘言故諸
如來而各默然以根塵既消我執亦泯故火
然千二百歲其身乃盡

法華通義 卷六
一切衆生喜見菩薩作如是法供養已命終之後復生日月淨明德佛國中於淨德王家結跏趺坐忽然化生卽爲其父而說偈言大王今當知我經行彼處卽時得一切現諸身三昧勤行大精進捨所愛之身供養於世尊爲求無上慧說是偈已而白父言日月淨明德佛今故現在我先供養佛已得解一切衆生語言陀羅尼復聞是法華經八百千萬億那由他毘迦羅頻婆羅阿闍婆等偈大王我今當還供養此佛

此言喜見然身得化生之益也以染污除我執已破則證清淨真如名白淨識故轉生淨德王家以由八地出真如三昧所謂意生身也故云結跏趺坐忽然化生爲父說偈以敘前緣乃具足六通宿命現前也言日月淨明德佛今故現在者謂佛見未忘法執尚存也以證實相真如則一切世諦語言資生業等皆順正法故云因供佛故得解一切衆生語言陀羅尼陀羅尼云總持真如之異稱也

法華通義 卷六
以從入地出當法師位善能說法故復聞法
華經八百千萬億等偈此正法執未忘也將
破此執故云我今當還供養此佛。
白已卽坐七寶之臺上昇虛空高七多羅樹往
到佛所頭面禮足合十指爪以偈讚佛
容顏甚奇妙光明照十方我適曾供養今復還
親觀
爾時一切衆生喜見菩薩說是偈已而白佛言
世尊世尊猶故在世

此敘喜見再覲本師之儀也。以我執既破入
法性空故云上昇虛空。以將躋等覺故云往
到佛所。以本覺分顯故云我曾供養今復親
覲。而言世尊猶故在世。此正佛見未泯。雲門
云法身亦有兩般病。得到法身爲法執。不
已見猶存。坐在法身邊是一。直饒透得法身
去放過卽不可。子細檢點將來有甚麼氣息
亦是病。此宗門法身二種病。前則教義所收
次爲透法身句。則教所不攝也。今云破法執

正雲門第一種病。所謂微細法執。今云世尊猶故現在。正宗門法身見也。須破此執。乃可入妙。

爾時日月淨明德佛告一切衆生喜見菩薩善男子我涅槃時到滅盡時至汝可安施床座我於今夜當般涅槃又勅一切衆生喜見菩薩善男子我以佛法囑累於汝及諸菩薩大弟子并阿耨多羅三藐三菩提法亦以三千大千七寶世界諸寶樹寶臺及給侍諸天悉付於汝我滅度後所有舍利亦付囑汝當令流布廣設供養應起若干千塔如是日月淨明德佛勅一切衆生喜見菩薩已於夜後分入於涅槃

此言喜見持經法利妙契法身堪續慧命故日月淨明德佛臨入涅槃付囑大事也。言當入涅槃以佛法囑累而云及菩薩弟子并菩提法及三千大千七寶世界給侍諸天等并滅後舍利一切齊付者以所證菩提及眷屬莊嚴正報依報及法身舍利等皆因修妙法

法華通義 卷三
所成。一真實相故齊付之。所謂全付家業也。
言佛法乃所說應機之法也。菩提法乃道場
所得法也。囑令起塔意顯法身依持寂滅真
境故使慧命不斷也。既付囑已。卽入涅槃。
爾時一切衆生喜見菩薩見佛滅度悲感懊惱。
戀慕於佛卽以海此岸梅檀爲積供養佛身而
以燒之火滅已後收取舍利作八萬四千寶瓶
以起八萬四千塔高三世界表刹莊嚴垂諸旛
蓋懸諸寶鈴

此言喜見受囑起塔續佛慧命也。梅檀能清
涼熱惱。以此爲積供佛而然之。所謂入法身
寂滅清涼之境也。收取舍利八萬四千起如
許塔者。一入法身寂滅則八萬四千煩惱。一
一皆化入寂滅真際矣。表刹莊嚴等謂法身
本具性德莊嚴也。

爾時一切衆生喜見菩薩復自念言我雖作是
供養心猶未足我今當更供養舍利便語諸菩
薩大弟子及天龍夜叉等一切大衆汝等當一

法華通義 卷一
心念我今供養日月淨明德佛舍利作是語已
卽於八萬四千塔前然百福莊嚴臂七萬二千
歲而以供養令無數求聲聞衆無量阿僧祇人
發阿耨多羅三藐三菩提心皆使得任現一切
色身三昧

此言喜見然臂乃示破俱生法執之象也言
作是供養心猶未足者謂所證未至極則不
以得少爲足也菩薩大弟子及天龍等乃日
月淨明德佛之所付囑者以先然身未足爲

供故今然臂方爲盡心意顯俱生二執盡破
方爲實證也二執旣破則八萬四千煩惱都
歸寂滅之地則向之七識執持根境諸法者
亦俱歸寂滅矣故云然臂供八萬四千舍利
塔七萬二千歲也二執旣破則捐捨小乘頓
入無上正覺故無數求聲聞人皆發菩提心
亦得任現一切色身三昧也

爾時諸菩薩天人阿脩羅等見其無臂憂惱悲
哀而作是言此一切衆生喜見菩薩是我等師

法華通義 卷六
教化我者而今燒臂身不具足於時一切衆生
喜見菩薩於大衆中立此誓言我捨兩臂必當
得佛金色之身若實不虛令我兩臂還復如故
作是誓已自然還復由斯菩薩福德智慧淳厚
所致當爾之時三千大千世界六種震動天雨
寶華一切天人得未曾有

此言諸菩薩天人八部等見其無臂而憂惱
者以其法愛難捨也。圓覺經云法愛不存心
漸次可成就喜見誓言兩臂如故者所謂但

破其執不破其法也。至若得佛則無不具足
故如故也。以希有之事故瑞以應之。此上敘
藥王之往因也。

佛告宿王華菩薩於汝意云。何一切衆生喜見
菩薩。豈異人乎。今藥王菩薩是也。其所捨身布
施如是無量百千萬億那由他數。

此結昔證今也。故曰一切衆生喜見菩薩卽
藥王菩薩。是其藥王捨身布施無量百千萬
億那由他數者。謂種種我法二執也。始而法

師品歷言此經難持。繼而安樂行品。教以持經之方。然彼四行。但能遠彼強暴。而不能化。繼而說常不輕。雖能化彼上慢。而未能忘佛見法。見於佛知見。難於證入。是皆俱生我法二執。未能淨盡。難以妙契法身。故說藥王然身而得付囑。然臂而續慧命。意在進破二執。方盡持經之妙行。乃可入佛知見也。

宿王華若有發心。欲得阿耨多羅三藐三菩提者。能然手指。乃至足一指。供養佛塔。勝以國城

妻子及三千大千國土山林河池諸珍寶物而供養者

此言欲得菩提。能然手足一指。供養舍利。勝以國城妻子三千國土諸珍寶物而供養者。意顯能破少分微細法執。則能妙辨法身。超勝有爲功德也。是故持經妙行。重在自破煩惱所知二障也。

若復有人以七寶滿三千大千世界。供養於佛。大菩薩辟支佛阿羅漢。是人所得功德。不如

法華通義 卷六 三十一
受持此法華經乃至一四句偈其福最多

此較持經一四句偈其福超越七寶滿三千
界供佛之功德者以彼有相福田難比法身
無爲功德也以法身無爲不墮諸數故能超
之

宿王華譬如一切川流江河諸水之中海爲第
一此法華經亦復如是於諸如來所說經中最
爲深大又如土山黑山小鐵圍山大鐵圍山及
十寶山衆山之中須彌山爲第一此法華經亦

復如是於諸經中最爲其上又如衆星之中月
天子最爲第一此法華經亦復如是於千萬億
種諸經法中最爲照明又如日天子能除諸暗
此經亦復如是能破一切不善之暗又如諸小
王中轉輪聖王最爲第一此經亦復如是於衆
經中最爲其尊又如帝釋於三十三天中王此
經亦復如是諸經中王又如大梵天王一切衆
生之父此經亦復如是一切賢聖學無學及發
菩薩心者之父又如一切凡夫人中須陀洹斯

陀舍阿那含阿羅漢辟支佛爲第一此經亦復
如是一切如來所說若菩薩所說若聲聞所說
諸經法中最爲第一有能受持是經典者亦復
如是於一切衆生中亦爲第一一切聲聞辟支
佛中菩薩爲第一此經亦復如是於一切諸經
法中最爲第一如佛爲諸法王此經亦復如是
諸經中王

此廣顯妙法具有十種第一殊勝之德所以
超越三乘乃以十種譬喻明之也一深廣如

海諸水所不能及所謂諸佛智慧甚深無量
二最高最上如須彌山諸山所不能及三照
明長夜如月衆星所不能及四破暗如日生
盲亦蒙其益五最尊上如轉輪王六統攝一
切如帝釋天爲三十三天中王此經統諸佛
之法義七爲三乘之依怙如梵天王爲衆生
父八爲三乘之第一如二乘於凡夫中爲第
一 九爲諸經中爲第一如三乘中菩薩爲第
一十爲諸法中王如佛爲法王以此十喻通

法華通義 卷六
喻此經於一大時教中爲最上一乘之妙法。
最爲殊勝故也。上顯法勝下顯功勝。

宿王華此經能救一切衆生者此經能令一切
衆生離諸苦惱此經能大饒益一切衆生充滿
其願如清涼池能滿一切諸渴乏者如寒者得
火如裸者得衣如商人得主如子得母如渡得
船如病得醫如暗得燈如貧得寶如民得王如
賈客得海如炬除暗此法華經亦復如是能令
衆生離一切苦一切病痛能解一切生死之縛

此言妙法之勝能也能救一切者能拔衆生
生死之苦也能離苦惱煩惱苦因苦苦果也
饒益衆生卽充滿其願也此三乃標其勝能
如清涼池下十二喻別顯勝能也此法華經
下法合上喻總而言之能令衆生離一切苦
惱病痛解一切生死之縛也衆生苦痛縛著
皆由無明感結今佛知見一開智光現前能
破無明則諸苦自滅所謂如暗得燈也

若人得聞此法華經若自書若使人書所得功

法華通義 卷六
德以佛智慧籌量多少不得其邊若書是經卷
華香瓔珞燒香秣香塗香旛蓋衣服種種之燈
蘇燈油燈諸香油燈薈蔔油燈須臾那油燈波
羅羅油燈婆利師迦油燈那婆摩利油燈供養
所得功德亦復無量

此言得聞妙法由有勝能故書寫者功德無
邊供養功德無量也。

宿王華若有人聞是藥王菩薩本事品者亦得
無量無邊功德若有女人聞是藥王菩薩本事

品能受持者盡是女身後不復受

此言若聞藥王一品亦得無量功德也。易卦
乾坤以乾爲陽坤爲陰。故乾爲男。坤爲女。以
乾剛坤柔也。此法華經言佛性金剛種子堅
固不壞。故女人持經入佛知見亦永爲般若。
真因佛性種子歷劫不磨。所以不復更受女
身也。

若如來滅後後五百歲中若有女人聞是經典
如說修行於此命終卽往安樂世界阿彌陀佛

法華通義 卷六
大菩薩衆圍繞住處生蓮華中寶座之上不復
爲貪欲所惱亦復不爲瞋恚愚癡所惱亦復不
爲憍慢嫉妬諸垢所惱

此言女人能如法修行所得利益以較男之
更勝也。西方極樂世界蓮華化生此佛說能
念佛者卽得往生。今惡世女人能於此經所
說修行卽得往生者。以入佛知見頓破無明
頓斷煩惱。以心清淨故佛土清淨。是爲淨土
之因也。然貪欲瞋恚愚癡憍慢嫉妬乃女人

之所最重者。今依經修行一旦頓斷不爲所
惱。故身得清淨往生淨土冥矣。言後五百歲
佛滅度後。初五百季解脫堅固。二五百季禪
定堅固。三五百季多聞堅固。四五百歲福德
堅固。五五百季鬪諍堅固。今云後五百季卽
鬪諍堅固之時。女人於此難持之時持之。所
以得益最勝。女人如此其男可知。

得善薩神通無生法。忍得是忍。已眼根清淨以
是清淨眼根見七百萬二千億那由他恒河沙

法華通義 卷六
等諸佛如來是時諸佛遙共讚言善哉善哉善
男子汝能於釋迦牟尼佛法中受持讀誦思惟
是經爲他人說所得福德無量無邊火不能焚
水不能漂汝之功德千佛共說不能令盡汝今
已能破諸魔賊壞生死軍諸餘怨敵皆悉摧滅
善男子百千諸佛以神通力共守護汝於一切
世間天人之中無如汝者唯除如來其諸聲聞
辟支佛乃至菩薩智慧禪定無有與汝等者宿
王華此菩薩成就如是功德智慧之力

此猶約女人持經生淨土者而言功德也無
生法忍登地乃得已證平等真如已破妄見
故眼根清淨已轉七識根塵故見七百萬二
千億那由他恒河沙等諸佛以諸佛法身應
念現前故遙見共讚汝能於下至無有與汝
等者皆諸佛讚辭也以非有爲功德故不能
焚漂以稱法界性故說不能盡也言破諸魔
等者諸魔卽五陰魔生死軍卽死魔餘怨敵
卽煩惱魔言能破悉摧所謂與五陰魔煩惱

法苑珠林卷之六
魔死魔共戰有大功勳出三界破魔網故云
能破能摧也以得諸佛之慧命故諸佛共護
以超越世間故天人不如以得一乘佛慧故
三乘之禪定不能與等以三乘未得佛慧故
也故結之曰此菩薩成就如是功德智慧之
力此借女人以讚故廣結其大益也
若有人聞是藥王菩薩本事品能隨喜讚善者
是人現世口中常出青蓮華香身毛孔中常出
牛頭栴檀之香所得功德如上所說

上言能依全經修行此言但能隨喜藥王一
品之利益也能隨喜讚善則舌根清淨故口
出青蓮華香已悟色身卽法身故毛孔中出
栴檀之香而功德說不能盡也羅什滅後塔
前湧青蓮華一枝啓塔視之華從舌根出是
譯妙法華經之驗也

是故宿王華以此藥王菩薩本事品囑累於汝
我滅度後後五百歲中廣宣流布於閻浮提無
令斷絕惡魔魔民諸天龍夜叉鳩槃荼等得其

便也宿王華汝當以神通之力守護是經所以者何此經則爲闍浮提人病之良藥若人有病得聞是經病卽消滅不老不死

此以一品囑累宿王意在持經以苦行爲本也後五百歲闍浮提中魔強法弱之時非苦行不能廣宣此經非護持不能無障故囑宿王無令諸魔得其便也特囑宿王當以神力守護者以此經是闍浮提人病之良藥如天甘露故云病卽消滅不老不死以此經佛付

囑地涌之衆意在十方世界往返弘宣而且以藥王專在娑婆尚不愜心今以此品單付宿王囑在南閻浮提廣宣流布者況閻浮乃四洲之一耳其境甚狹其人甚惡佛何獨重於此耶然十方雖廣實佛本心以佛化娑婆彼三洲不生唯現閻浮乃身教之地人多弊惡故獨囑之意顯闍浮提人與此經有緣故衆非此經不能攝化非苦行不能弘宣

九品歸重也

見有受持是經者應以青蓮華盛

散其土被已作是念言此人不久必

當取草坐於道場破諸魔軍當吹法螺擊大法
鼓度脫一切衆生老病死海是故求佛道者見
有受持是經典人應當如是生恭敬心

此囑宿王敬奉持經之人也青蓮華喻妙淨
明心秣香喻微妙神通言持經者已具此經
故以此散之以見其人不久坐道場破魔軍
說法度人出生死海當恭敬如佛想也

說是藥王菩薩本事品時八萬四千菩薩得解
一切衆生語言陀羅尼

此言聞品得益也以入佛知見深證實相故
達一切衆生語言皆入法性故得陀羅尼總
持法門也言藥王得現一切色身三昧則一
切色皆是佛身今云語言陀羅尼則一切言
音皆是法音以八地菩薩出真如定進至九

去師位現身說法此在七地已具體而

又位勝進相也

寶塔中讚宿王華菩薩言善哉善

乎汝成就不可思議功德乃能問釋迦
牟尼佛如此之事利益無量一切衆生

此因說藥王本事苦行持經皆已妙辨法身
故多寶讚歎宿王華而問此事利益衆生故
伸讚歎也多寶出現原爲證明此經意在得
人以續慧命故今讚歎藥王次乃復召妙音
已得其人則終會不再見矣

妙法蓮華經通義卷第六

終



